

大明集

卷之八之二十九



大明集禮卷二十八

嘉禮十二

品官昏禮

總序

周制昏禮下達凡公侯大夫士之昏娶皆行六

禮。**漢**平帝詔劉歆定公卿大夫博士郎吏家屬

皆以禮娶迎立輅立輅小車倂馬倂馬儷馬。**後漢**鄭衆定

百官昏娶亦行六禮。**唐**百官昏儀以三品以上

五品以上六品以下為降殺其日主人會賓客

饗送者。婦至之明日。謁見舅姑。又明日。行盥饋之禮。舅姑饗婦如常儀。**宋**品官昏儀。六禮皆與唐同。其日。主人饗送者。姑饗婦人送者。婦至之明日。謁見祖禰。又明日。見舅姑。行盥饋禮。舅姑饗婦如唐儀。今擬

國朝品官昏儀。先遣媒氏通書。次遣使及媒氏行六禮。婦至壻家。主人宴饗送者。明日謁見祖禰。訖。次見舅姑。行盥饋之禮。舅姑饗婦如家人之儀。今具其儀以著于篇。

冠服

義禮大夫以上親迎。冕服纁裳。士親迎。爵弁纁

裳。緇施。施。以鼓切。緇。施。謂緣以緇。施。女純衣纁禡。緣也。汝占切。

緣其衣也。婦見舅姑。則纚笄宵衣。纚。所買切。致髮纚也。笄。今簪也。宵。讀

為綃。織之屬。**唐**品官娶婦。皆用本職冕服。一品衮冕。

二品鷩冕。三品毳冕。四品繡冕。五品玄冕。婦服

花釵翟衣。一品花釵九樹。翟九等。二品花釵八

樹。翟八等。三品花釵七樹。翟七等。四品六樹。六

等。五品五樹。五等。六品以下花釵大袖之服。品

官子娶婦。三品以上有公爵者其嫡子昏聽假以四品冕服。五品以下九品以上。假以爵弁。婦服花釵大袖。女嫁亦同。**宋**品官娶婦其服皆與唐同。

國朝品官昏禮各用本職朝服。婦服花釵翟衣。各隨夫之本品服。其三品以上子婚。假五品服。五品以上子。假七品服。六品以下子。假八品服。女服同。

車輅

儀禮士昏親迎乘墨車。婦車亦如之。注墨車漆車也。大夫乘棧車。士昏禮而乘墨車。攝盛也。又曰。士妻之車有褱。褱。昌占切。車裳帷也。**後漢**昏禮娶迎立輅。僎馬。注見前。**唐**制。三品以上乘革車。四品五品木輅。五品非京官職事者乘青通幘犢車。六品以下青偏幘犢車。從者公服乘車。婦車各准其夫。**宋**制與唐同。今擬

國朝品官昏禮婿乘馬。婦乘轎子。
禮物

周制昏禮下達。五禮皆用鴈。納徵用玄纁束帛。

儷皮。後漢鄭眾百官六禮辭。禮物三十六種。皆

書之於檢。玄纁。玄象天。纁象地。羊。羊。祥也。羣也。鴈。取隨清

酒。降福。白酒。歡之。粳米。養食。稷米。繁盛。蒲。衆多。葦。柔之。

卷栢。屈卷。嘉禾。須長。命縷。縫衣。延壽膠。能合類。漆。

內外。五色繡。章采。屈伸不窮。合歡鈴。聲音和諧。九子墨。長生

金錢。和鳴。祿得香草。為吉祥。鳳凰。唯合。舍利獸。廉

謙。鴛鴦。飛止須近。受福獸。體恭。魚。慶淵。鹿。祿也。烏。

烏知反。哺。九子婦。德有四。陽燧。成身丹。青。為色。

首東。方始。晉大夫昏禮用玄纁束帛加羊。北齊聘禮。

一品至三品用玄三疋。纁二疋。束帛十疋。璧。四品

以下皆無璧。豹皮二。六品以下至九品並用鹿皮。錦綵四十疋。三

品二十疋。絹百四十疋。四品百二十疋。五品百

疋。羔羊一口。羊二口。犢二頭。酒黍稷稻米麩各

四斛。四品以下各二斛。唐制三品以上不得過

絹三百疋。四品五品不得過二百疋。六品七品

不得過一百疋。八品以下不得過五十疋。皆充

所嫁女資裝等用。宋三品以上。四馬。玄纁束帛。

四品以下兩馬。五禮皆用鴈。今擬

國朝品官昏禮。

樂

記云。昏禮不作樂。幽陰之義。樂陽氣也。又云。娶婦之家。三日不舉樂。思嗣親也。**唐**太極元年。唐紹表請。士庶親迎。廣奏音樂。請禁之。建中元年。禮儀使顏真卿奏。昏禮主敬。至於音樂。切恐非禮。請禁斷。今擬

國朝品官昏娶不用樂。

納采問名

唐品官昏娶。先使媒氏通書。女氏許之。乃致納采之禮。用鴈。前一日。主昏者陳設。賓次於大門外。受其禮於廟。無廟則於正寢。其日。賓公服。至女氏第。曰。吾子有惠。貺室某也。某有先人之禮。使某請納采。主昏者對曰。某之子。蠢愚。又弗能教。吾子命之。某不敢辭。賓出。主昏者執事者。徹鴈。無鴈聽賓既出。立於中門外。復入陳鴈。請曰。某既受命。將加諸卜。敢請女為誰氏。主昏者曰。

吾子有命。具以備數而擇之。某不敢辭。曰某第
幾女某氏出。主人遂醴賓。醴。賓如以醴酒薦以脯

宋賓至女氏第曰某官以伉儷之重施於某官。
率修彝典。使某謹納采。主昏者曰某之子弗閑
於姆訓。維是暇脩棗栗之饋。未知告虔也。某聽
命於廟。敢不拜嘉。其納采之禮一如唐儀。其問
名之禮亦如唐儀。今擬

國朝品官昏娶遣賓用鴈至女氏第行納采問
名之禮。詳見後儀

納吉

唐納吉用鴈如納采禮。曰吾子有貺命某。加諸
卜。占曰吉。使某也。敢告。主昏者曰某之子不教
唯恐不堪。子占有吉。我與在焉。不敢辭。**宋**納吉
如納采之儀。賓至女氏第曰某官承嘉命。稽諸
卜筮。龜筮協從。使某以告。主昏者曰某官願惠
於好。欲施德於某未教之女。而以下吉告。某不
敢辭。其受鴈醴賓皆如前儀。今擬

國朝品官昏娶既卜吉遣賓用鴈至女氏第納

吉。詳見後儀。

納徵

唐品官昏禮納徵。用玄纁束帛。纁皮。賓至女第。曰。吾子有嘉命。貺室某也。某有先人之禮。纁皮束帛。使某也。請納徵。主昏者曰。吾子順先典。貺某重禮。某不敢辭。**宋**品官納成。命賓奉函書。玄纁束帛。至女氏第。曰。某官以伉儷之重。加惠某官。某官率循彝典。有不腆之幣。以某將事。敢請納成。主昏者曰。某官順彝典。申之以備物。某敢

不重拜嘉。賓入以函書授主昏者。其儀與納吉

同。今擬

國朝品官納徵。用函書某物。命賓至女氏第。告

成。詳見後儀。

請期

唐納徵之後。用鴈請期。曰。吾子有賜。某既申受

命矣。惟是三族不虞。注云。三族。為父昆弟。已昆弟。子昆弟。虞。度也。不億。度也。

也。使某請吉日。主昏者曰。某敢不敬。**宋**品官請

期。命賓用鴈。至女氏第。曰。某官慎重嘉禮。將卜

諸近日使某請期。主昏者曰。謹奉命以從。其受鴈禮賓。皆與前同。今擬

國朝品官昏禮。既納徵。遣賓用鴈。至女氏第。請期。詳見後儀。

親迎

唐品官昏禮。必親迎。初昏。壻服至女氏第。曰。吾子命某。以茲初昏。使某將請成命。主昏者曰。某固敬具以需。女花釵翟衣。六品以下。則花釵大袖。入于房。南向坐。主昏者玄端。迎壻於門外。主

昏者揖入。執鴈者從之。至房戶前北面。奠鴈。再拜訖。降出以俟。父母戒女訖。姆及從者導引女出。升車。壻御婦車。授綏。姆辭不受。曰。未教。不足與為禮。壻乘車先還。俟於門外。婦車從其後。**宋**品官昏禮。必親迎。有故。聽以媒氏往迎。其親迎之禮。與唐制同。壻乘馬。女乘車。今擬

國朝品官昏禮。壻公服乘馬。行親迎之禮。其詳見後儀。

同牢

唐品官昏娶。婦至門。婿揖婦以入。及寢門。婦升自西階。媵布席於奧。婿婦皆就席。侍從設同牢饌。卒食。三醕。用盃。皆如前儀。宋制。初昏。掌事者設巾洗於階。設尊於室中。實四爵。兩盃於篚。婦至。贊者引婦北面立。婿揖婦以入。婦升階入于室。婿盥於南。婦盥於北。設酒饌布席對坐。婿婦皆即座。侍從注酒授婿及婦。飲訖。遂薦饌。三飲如初。婿及婦再拜。徹酒饌。今擬。

國朝品官昏娶。婦至門。婿出揖婦同入。至內室。

行同牢之禮。詳見後儀。

見舅姑。

唐品官昏娶。明日。婦服花釵翟衣。見舅姑。舅席西向。姑座南向。婦座於姑座之西。少北。南向。舅姑既即席。再拜。執棗栗奠於舅席。舅撫之。婦又再拜。降階。受股脩奠于姑席。姑撫之。婦再拜。退就席立。贊者酌醴及脯醢。婦再拜就座。飲食畢。退入閤。明日行盥饋之禮。舅姑饗婦如前儀。宋謁見舅姑之禮與唐同。但舅西向坐。姑東向坐。

設婦座於姑位之北。少西東向。而四品以下不行盥饋之儀。今擬

國朝品官昏禮。婦至之明日。謁見舅姑。次謁祖。禰。明日行盥饋之禮。姑饗婦及宴。見親戚。其詳見後儀。

納采問名儀

凡品官昏娶。或為子聘婦。皆使媒氏通書。女氏許之。擇日致納采之禮。前一日。主昏者設賓次於大門外。陳設賓座席於廳事。至日。某官陳設鴈及他禮物於廳。及庭。媒氏省視訖。執事者舉禮物進。賓及媒氏乘馬。及步輦。從其後。質明。主昏者具祝版告廟訖。設香案燈燭於廳之正中。賓至。女氏第。媒氏入報贊者。延賓入次。執事者各陳禮物於大門之內。主昏者公服出迎於大門外。贊禮引出次。主昏者揖入。賓及媒氏陞自東階。主昏者陞自西階。至廳。賓立於廳之左。主昏者立於廳之右。媒氏立於賓之南。執事者陳鴈及納采禮物於廳上。及庭中。贊禮唱鞠躬拜。

興拜興平身。賓及主人皆鞠躬拜興拜興平身。賓詣主人曰。某官以伉儷之重施於某。某率循禮典。謹使某納采。主昏者曰。某之子弗閑姆訓。既辱采擇。敢不拜嘉。主昏者揖賓就西向坐。主昏者東向坐。執事者徹鴈及收受禮物訖。賓復入陳鴈及問名禮物於廳。賓興詣主昏者曰。某官慎重昏禮。將加卜筮。請問名。主昏者進曰。某第幾女。某氏出。或以紅羅。或以銷金紙書女第行年幾。即今之帖子。賓辭將降出。主昏者曰。吾子今以事至某之室。請禮從者復就座。遂行飲食之禮。畢。使者降自東階出。主昏者送至大門外。執事者各舉器物還。

納吉儀

既卜吉擇日。先遣媒氏至女第。告以某日納吉。前一日。主昏者設賓次如納采之儀。至日。賓及媒氏奉鴈及禮物至女氏第大門外。媒氏先入告。贊禮者延入次。執事者陳鴈及禮物於門內。主昏者出迎賓。贊禮引賓出次。主昏者揖賓同

入。賓陞東階。主昏者陞西階。至廳東西相向立。執事者陳鴈及禮物於廳及庭中。贊者唱鞠躬。拜興。拜興。平身。賓及主昏者皆鞠躬。拜興。拜興。平身。賓詣主昏者曰。某承嘉命。稽諸卜筮。龜策。協從。使某告吉。主昏者曰。某未教之女。既以吉告。其何敢辭。主昏者揖賓就座。主昏者之執事者徹鴈及禮物入。主昏者燕饗使者。如納采儀。

納成儀

既擇吉。擇日備禮物。命賓及媒氏至。女氏第行。納成禮。先期。媒氏以某日告。前一日。主昏者設賓次如常儀。其日賓至。女氏大門外。媒氏先入告。贊禮延賓入次。執事者陳禮物於大門內。置玄纁束帛於案。主昏者出迎於大門外。贊禮引賓出次。主昏者揖賓入。賓陞東階。主昏者陞西階。至廳東西相向立。執事者陳函書束帛及他禮物於廳上及庭中。贊禮唱鞠躬。拜興。拜興。平身。賓及主昏者皆鞠躬。拜興。拜興。平身。賓請主昏者曰。某官以伉儷之重。加惠某官。率循禮典。

有不腆之幣。敢請納徵。主昏者曰。某官。既某以重禮。某敢不拜受。執事者就案取函書授賓。賓以授主昏者。主昏者受書。以授執事者。主昏者之後者。以函書進授主昏者。主昏者受以授賓。賓受書以授左右訖。主昏者揖就席。主昏者之執事者各徹禮物。其宴饗賓後。皆如納吉之儀。請期儀。

親迎儀

有故請以媒氏往迎

前一日。主昏者設次於大門外。如常儀。其日。婿

父公服告于禰廟。

無廟者於廳事東設神位

初昏。婿具公服

無官者用倭服

行親迎。設婿父位於廳之正中。婿父即

座。贊禮引婿陞自西階。至父座前北面立。贊禮

唱鞠躬。拜興。拜興。平身。婿鞠躬。拜興。拜興。平身。

進立於父位前。父命之曰。躬迎嘉偶。釐爾內治。

婿進前曰。敢不奉命。退復位。贊禮唱鞠躬。拜興。

拜興。平身。媒氏導率婿出。乘馬前行。至女家。其

日。女氏主昏者公服告廟訖。設宴會親戚醴女。如家人之儀。婿至門外下馬。媒氏入告。贊禮引婿就次。女從者請女盛服就寢門內南向坐。女從者列於其後。贊禮引婿出次。主昏者出迎婿於大門之東西面。主昏者揖婿入門而右。婿入門而左。執鴈者從婿之後。至寢戶前北面立。主昏者立於寢戶之東西向。執鴈者陳鴈於庭。贊禮唱鞠躬。拜興。拜興。平身。婿鞠躬。拜興。拜興。平身。引禮引婿出就次。主昏者不降送婿。既出。女父母就正廳南向坐。保姆引女就父母座前北向立。侍女從其後。保姆唱拜興。拜興。拜興。拜興。女拜興。拜興。拜興。拜興。父命之曰。往之爾家。以順為正。無忘肅恭。母命之曰。必恭必戒。母違舅姑之命。庶母申之曰。爾忱聽於訓言。母作父母羞。保姆及侍女導從女出門。升車。儀衛導前。應送者乘輦從其後。女車行。婿先還第。

同牢儀

女將至婿家。執事設二座於寢室之內。婿座在

東婦座在西。設壻洗一於室之東南。婦洗一於室之西北。設酒案一於室之南楹正中。實四爵。兩盃於酒尊之北。爵盃皆以常用酒器代之設食案二於酒案之北。初昏。壻親迎。先歸第以伺。婦車至門。保姆請婦下車。贊禮引壻出迎於大門之內。壻接婦同入。保姆侍女導從如常。及寢門。壻先陞階。保姆導婦後陞入室。壻盥於南洗。婦從者執巾進水以沃之。盥畢。從者請壻婦各就座。執事者舉食案

各置於壻婦之前。司尊者注酒。侍女以酒進于壻婦案上。壻婦受醖飲訖。侍女受虛醖。司饌者進饌。侍女以饌進供壻婦案上。壻婦進饌訖。侍女徹饌再飲。再饌如初。壻婦再飲畢。侍女又徹饌。乃以盃注酒。各進於壻婦。壻婦受盃各飲畢。侍女徹虛盃。贊者請壻婦皆興。立於座南。東西相向。贊者唱拜興。拜興。壻婦皆拜興。拜興。侍從引壻婦入室易服。壻從者餞婦之餘。婦從者餞壻之餘。

廟見儀

婦至之明日見於宗廟無廟者於廳中設神位設主昏者

拜位於東階下北面壻拜位於其後主婦拜位於西階下婦拜位於其後諸親拜位各以序分立於主昏者主婦之後其日婦夙興沐浴盛服主昏者及主婦皆盛服贊者引主昏者就東階下位次引主婦就西階下位次引諸親與壻婦各就位立定贊禮唱拜興拜興平身主昏者以下皆拜興拜興平身贊禮引婦進詣庭中北面

立引禮引主昏者升自東階詣神位前引禮唱跪主昏者跪引禮唱上香上香三上香司香奉香進于主昏者之左主昏者三上香訖引禮唱祭酒祭酒二祭酒司尊者以酒進于主昏者之左主昏者祭酒畢引禮唱讀祝讀訖引禮唱俯伏興平身主昏者俯伏興平身引禮引主昏者立於神位之西贊禮唱拜興拜興拜興拜興婦拜興拜興拜興訖退復位引贊引主昏者降自東階就拜位贊禮唱鞠躬拜興拜興平身

主昏者以下皆鞠躬拜興拜興平身贊禮唱禮畢主昏者以下皆退。

見舅姑儀

婦既謁廟次見舅姑其日執事者設舅姑位於堂上舅位在東姑位在西婦沐浴盛服立於堂下伺舅姑俱即座贊禮引婦就拜位北向立贊禮唱拜興拜興婦拜興拜興拜興拜興拜興保姆引婦升自西階至舅位前侍女奉棗栗今或隨儀代以他禮物為贊下同進授於婦婦受棗栗置於舅

位前執事進徹棗栗侍女奉脰脩進授於婦婦受脰脩置於姑位前執事者徹脰脩訖保姆引婦退降自西階至庭下拜位立定贊禮唱拜興拜興拜興拜興婦拜興拜興拜興拜興拜興拜興拜興拜興拜興拜興禮畢保姆引婦退舅姑醴婦如家人之儀

盥饋儀

婦見舅姑之明日行盥饋之禮其日婦家備盛饌酒食至婿家婦從者設舅姑位於堂上舅位在東姑位在西設食案於堂上正中婦夙興沐

浴盛服立於庭下。伺舅姑俱即座。贊禮唱拜興。拜興。拜興。拜興。婦拜興。拜興。拜興。保母引婦升自西階立於舅位之南北向。婦從者舉食案進供於舅姑位前。訖。執事者以饌授婦。婦奉饌置於舅位前。執事者加匕箸。保母引婦進立於姑位之南北向。執事者以饌授婦。婦受饌置於姑位前。執事者加匕箸。舅姑皆食畢。婦從者徹饌。保母引婦降階就拜位。贊禮唱拜興。拜興。拜興。拜興。婦拜興。拜興。拜興。舅姑饗婦如

家人之儀。

舅饗丈夫送者儀

其日質明。主昏者命執事者設賓席於正廳東西相向。其席位從其賓之數。設酒案於廳之南楹。設食案於酒案之北。賓至。掌次者引賓先就次。主昏者出迎於大門之外。引禮者引賓出次。主昏者揖賓入。賓陞東階。主昏者升西階。至廳分東西相向立。贊禮唱鞠躬拜興。拜興。平身。賓主皆鞠躬拜興。拜興。平身。主昏者揖賓各就座。

執事者舉食案進供於賓客主昏者之前進酒
進饌如常儀會畢賓主俱興賓立於東階上西
面主昏者立於西階上東面執事者奉幣以授
主昏者主昏者以授賓賓受以授左右降自東
階後者受幣以從賓出主昏者送於大門之外

姑饗婦人送者儀

其日主昏者之執事者設女賓次於中門之內
設女賓席於後堂東西相向設女賓親黨位於
女賓之南西向設主婦親黨位於主婦之南東
向設酒案於堂之南楹設食案於酒案之北女
賓至掌次者引女賓就中門內次主婦出迎於
次外女贊引女賓出次主婦接女賓同入女賓
升東階主婦升西階至廳分東西相向立女贊
唱拜興拜興拜興女賓及主婦皆拜興拜
興拜興拜興主婦請女賓各就位坐侍女舉食
案進供於女賓主婦之前進酒進饌如常儀會
畢女賓及主婦皆興執事者奉幣以授主婦主
婦受幣以授女賓女賓受幣降自西階以授從

者。從者奉幣以從。女賓出。主婦送於門外。

納采

問名納吉納成請期同

集禮卷二十八

二十

物禮及雁

賓位

引禮

門

引禮

主昏者在

賓位

物

主昏揖位

親迎

引禮

賓位

主人揖入

門

主昏揖入

主昏者位

一集禮卷二十八 二十一

引禮

坐賓

賓拜位

引禮

賓

庭

禮

主昏者拜位

引禮

坐昏主

見舅姑

集禮卷二十八 二十二

棗栗

脩脍

贊禮

婦拜位

贊禮

雁不位

婿奠位

贊禮

贊禮

贊禮

謁廟

親諸

婿

壽

贊

婦拜位

婦

主

贊禮

親諸

集禮卷二十八二十三

舅位



姑位

禮記

禮

昏

神位

庶人昏儀

總序

周禮媒氏掌萬民之判凡男女自成名以上皆
 書年月日名焉。令男三十而娶女二十而嫁。有
 故則二十三而嫁。此庶人之昏禮也。周末越王
 勾踐欲蕃育庶民使男二十而娶女十七而嫁。
 自後庶民子女十五六之後皆許嫁娶。唐貞觀
 中詔庶民男女男年二十女年十五以上無室
 家者並仰州縣以禮聘娶其納采納幣皆遣賓

行之。**宋**庶人昏儀命媒氏行六禮。婿盛服親迎。有故則令媒氏往迎。朱子家禮庶人昏儀。男子年十六至三十。女子年十四至二十。並可昏娶。先使媒氏通言。次遣使納采納幣。然後婿盛服親迎。婦至交拜合卺。主昏者禮賓。明日婦見舅姑。婿見婦之父母。又明日婦行廟見禮。今擬

國朝庶人昏儀。男年十六。女年十四以上。並聽昏娶。先遣媒氏通言。女氏許之。次命媒氏納采納幣。至期婿盛服親迎。主昏者禮賓。明日婦見

祖禰畢。次見舅姑。婿往見婦之父母。今具其儀以著于篇。

冠服

儀禮婿親迎。爵弁。禮曰。士妻始嫁。禪。音黼於領。

上畫黼假盛飾耳。**唐**制庶人昏。聽假以絳公服。

其嫁女則花釵。以銀及金塗連裳青質以青衣。

革帶。襪履。同裳色。夫有官者**宋**庶人昏。假幘頭。

公服。或皂衫衣。折上巾。婦服花釵大袖。今擬

國朝庶人昏娶。婿服常服。或假九品服。婦服花

釵大袖。

禮物

周禮凡嫁女娶妻入幣純帛無過五兩唐制納

采問名納吉請期親迎並用鴈無鴈聽用羊以

雉及雞鶩代納徵用玄三疋纁二疋束帛束帛五兩

兩五尋每端二丈兩函書盛於箱宋制與唐同

朱子家禮昏幣用色繒貧富隨宜少不過兩多

不過十更用釵釧羊酒果實等物今擬

國朝庶人昏娶

納采問名

唐庶人昏娶媒氏通書之後別致納采之禮其

日備鴈及禮物命賓至女家曰吾子有命既室

於某使某謹納采主昏者曰某之子蠢愚又弗

教某弗敢辭其受鴈禮賓如六品以下儀其問

名亦如之宋庶人昏娶使媒氏奉書及禮物至

女氏第納采問名訖主昏者奉函書復命其儀

與唐同今擬

國朝庶人昏娶遣媒氏奉書及禮物至女家納

采。其詳見後儀

納幣 附請期

唐庶人昏娶問名之後遣賓納吉然後以玄纁束帛行納徵之禮。**宋**既納吉遣媒氏執函書奉禮物至女家納成曰吾子既修好於某使某請納成媒氏以函書授主昏者主昏者曰備物有嘉敢不重拜媒氏復致命曰某使某請吉日主昏者曰某固聽命媒氏曰請以某甲子主昏者曰敢不承命其受禮物禮賓如納采之儀今擬

國朝庶人昏娶問名之後遣媒氏奉書及禮物行納幣之禮就請期。

親迎

唐庶人昏娶婿盛服至女家親迎既至主昏者迎婿入至寢門前婿北向立主昏者西向立婿奠鴈訖再拜出就次以伺女父母戒女畢女升輿婿先還家女至婿迎於大門外揖入寢室行同牢之禮。**宋**庶人昏娶其親迎之儀與唐同有故許令媒氏往迎今擬

國朝庶人昏娶。婿盛服親迎。有故。許令媒氏請迎。詳見後儀。

見祖禰

宋婦至之明日。謁見祖禰。主昏者立於東階下。主婦立於西階下。諸親及婿婦各以序分立於後。贊者引婦進詣庭中北面再拜訖。復位。主昏者升階詣神位前。上香祭酒。祝曰。某氏來婦。敢以見。祝訖。降自西階復位。主昏者以下皆再拜。今擬

國朝庶人昏娶。婦至之明日。謁見祖禰。詳見後儀。

見舅姑

唐婦至之明日。謁見舅姑。舅西向坐。姑南向坐。婦再拜進棗栗於舅前。又再拜進股脩於姑前。訖。又再拜。舅姑醴婦如常儀。**宋**婦見舅姑之禮。其日夙興。婦盛服立於庭下。舅西向坐。姑東向坐。婦就東階下再拜。升階置棗栗於舅位前。降階再拜。次詣西階下再拜。升階置股脩於姑位。

前降階又再拜。舅姑醴婦如唐儀。今擬

國朝庶民昏娶婦至之明日。謁見祖禰畢。次見舅姑。其詳見後儀

饗送者

宋娶婦之日。女氏送者至壻家。主昏者饗男子送者於外廳。主婦饗婦人送者於中堂。東西相向。再拜訖。俱即座。具酒饌如常儀。會訖。主昏者奉幣於送者。送者受幣。降自東階出。主昏者送於門外。今擬

國朝庶民昏娶送者至。主昏者主婦行燕享之禮。詳見後儀。

壻見婦之父母

家禮娶婦之明日。壻盛服往見婦之父母。婦父迎送如客禮。拜則跪而扶之。入見婦母。則婦母闔門左扉。立於門內。壻拜於門外。皆用幣。次見婦黨諸親。婦家禮壻如常儀。今擬

國朝庶人昏娶之明日。壻往見婦之父母。其詳見後儀。

納采

凡將娶婦。先使媒氏往來通言。候女氏許之。然後納采。夙興。主昏者告于祠堂云。某之子某年已長成。未有伉儷。已議娶某郡某之女。今日納采。不勝感愴。若宗子自告。昏則自告。媒氏奉書及禮物往女家。至大門外。主昏者出迎媒氏。媒氏入門而右。主昏者入門而左。升堂東西相向立。執事者陳禮物於堂上及庭中。媒氏進詣主昏者曰。吾子有患。貺室於某某親。某有先人之禮。使其請納

采。主昏者對曰。某之子蠢愚。又弗能教。吾子命之。某不敢辭。從者以書進授媒氏。媒氏奉書以授主昏者。主昏者受書以授左右。訖。延媒氏就次。執事者各徹禮物。主昏者遂奉書告于祠堂。訖。出迎媒氏升堂。從者以復書進授主昏者。主昏者受書以授媒氏。媒氏受書以授執事。訖。請退。主人請媒氏以酒饌。請從者於別室。皆酬以幣。使者復命。婿家婿家復告祠堂。

納幣請期

古有問名納吉。朱子家禮止用納采納幣。以從簡便。

其日。婿氏主昏者。備書及禮物於庭。媒氏省視。訖。遂奉書及禮物至女家。主昏者出迎。媒氏入門而右。主昏者入門而左。升堂東西相向立。從者陳禮物於堂上及庭中。媒氏進詣主昏者前。曰。吾子既修好於某。某使某請納成。主昏者曰。備物有加。敢不重拜。從者以函書授媒氏。媒氏受書以授主昏者。主昏者受書以授左右。訖。左右以復書進授主昏者。主昏者受書以授媒氏。媒氏復致命曰。某使某請吉日。主昏者曰。某固

聽命。媒氏曰。請以某甲子。主昏者曰。敢不承命。媒氏請退。主昏者留媒氏宴饗。如納采之儀。

親迎有故聽以媒氏往迎

前期一日。女氏使人張陳其婿之寢室。俗謂之鋪房

其日質明。婿父盛服。以祝告廟。訖。父坐於正廳

中間南向。子盛服。品官子孫假九品服立於父

位之西。少南。東向。贊禮唱鞠躬。拜興。拜興。平身。

婿鞠躬。拜興。拜興。平身。執事者以醖注酒授婿。婿祭酒少許。訖。啐酒。以醖授從者。訖。興。平身。進

立於父位前。父命之曰。釐爾內治。往求爾匹。婿
進曰。敢不奉命。贊禮唱鞠躬。拜興。拜興。平身。婿
鞠躬。拜興。拜興。平身。訖。降出。乘馬。以二燭前導。
至女家。司賓延入次。是日女父母請親戚宴女。
如家人之儀。婿至女家。主昏者以祝告于祠堂。
曰。某之弟幾女。將以今日歸于某。不勝感愴。告
祝訖。出迎婿於中門之外。揖婿入。主昏者升西
階。西面。婿升東階。進當寢戶之前。北面。執鴈者
陳鴈於階庭。無鴈以他物代婿曰。某受命於父。以茲嘉

禮。恭聽成命。主昏者曰。某固願從命。贊禮唱鞠
躬。拜興。拜興。平身。婿鞠躬。拜興。拜興。平身。贊禮
引婿降階。出至次。以伺。主昏者不降。送婿既出。
就次。女父母盛服南向坐。侍女導從女至堂上。
詣父母前。北面立。贊者唱拜興。拜興。拜興。拜興。
父戒之曰。往之爾家。無忘肅恭。母戒之曰。夙夜
以思。無有違命。諸母申之曰。無違爾父母之訓。
贊者又唱拜興。拜興。拜興。拜興。女拜興。拜興。拜
興。拜興。訖。侍女導從出門。升輿。二燭導行。婿先

乘馬還俟於門外。婦至門外。贊者請降輿。婦降輿入門北面立。婿出至中門外。南面揖婦。同入室。婦從者布婿席於室東。婿從者布婦席於室西。贊者引婿婦至席所。東西相向立。贊者唱拜興。拜興。婿婦皆拜興。拜興。婿揖婦就坐。婦從者舉食案置於婿前。婿從者斟酒進供於婿。婿授醖飲酒。婿從者斟酒進供於婦。婦授醖飲酒。婦從者以饌進。再飲。再饌。畢。婦從者以盃斟酒進授婿。婿受盃。婿從者以盃斟酒進授婦。婦受盃。同飲。畢。婿婦皆興。入寢室。婿脫服。婦從者受之。婦脫服。婿從者受之。婿從者餽婦之餘。婦從者餽婿之餘。主昏者禮男送者於外廳。主母禮女送者於中堂。各如其儀。

見舅姑

婦至之明日。謁見舅姑。其日婦夙興。盛服立於堂下。舅姑坐於堂上。東西相向。舅位在東。姑位在西。置卓子於舅姑之前。家人男女少於舅姑。

者立於兩序。侍女引婦立於東階下。贊禮唱拜興。拜興。拜興。婦拜興。拜興。拜興。侍女引婦升西階至舅位前。侍女以贊幣進授於婦。婦受贊幣奠于卓子上。舅撫之。侍女引婦降階北面立。贊禮唱拜興。拜興。拜興。婦拜興。拜興。拜興。興。拜興。拜興。侍女引婦就西階下立。贊禮唱拜興。拜興。拜興。婦拜興。拜興。拜興。侍女引婦升西階至姑位前。侍女以贊幣進授於婦。婦受贊幣進奠於卓子上。姑撫之。侍女引婦降人之儀。

見祖禰禮古者三月而廟見。朱子家

婦至之明日。見於祖禰。無廟者設神設主昏者

拜位於東階下。北面。婿拜位於其後。主婦拜位於西階下。婦拜位於其後。親屬拜位各以序。分立於主昏者主婦之後。其日婦夙興沐浴盛服。主昏者主婦皆盛服。贊禮引主昏者就東階下

位。次引主婦就西階下位。次引諸親與婿婦各就位立定。贊禮唱拜興。拜興。平身。主昏者以下皆拜興。拜興。平身。贊禮引婦進詣庭中北面立。引禮引主昏者升自東階。詣神位前。引禮唱跪。主昏者跪。引禮唱上香。上香。三上香。司香者奉香進於主昏者之左。主昏者三上香訖。引禮唱祭酒。祭酒。三祭酒。司尊者以酒進於主昏者之左。主昏者祭酒畢。引禮唱讀祝。讀訖。引禮唱俯伏興。平身。引禮引主昏者立於神位之西。贊禮

唱拜興。拜興。拜興。婦拜興。拜興。拜興。訖。退復位。引禮引主昏者降自東階就拜位。贊禮唱鞠躬。拜興。拜興。平身。主昏者以下皆鞠躬。拜興。拜興。平身。贊禮唱禮畢。主昏者以下皆退。

婿見婦之父母

婦至之明日。婿盛服往見婦之父母。至大門外立伺。贊禮者先入告婦父。出迎於大門外。揖婿入。從者執幣從其後。婦父升自西階。婿升自東階。至廳。東西相向。婦父在西。婿在東。贊禮唱鞠

躬拜興拜興拜興平身。婿鞠躬拜興拜興。拜興拜興平身。婦父扶婿興後者以幣進授婿。婿受幣進於婦父。婦父受幣以授左右。贊禮引婿入至後堂門外。少伺從者執幣以從。婦母盛服出後堂南向立。贊禮引婿入堂前楹北向立。贊禮唱鞠躬拜興拜興平身。婿鞠躬拜興拜興拜興拜興平身。婦母答拜訖。從者以幣授婿。婿受幣進授婦母之左右。訖贊禮引婿出次。見婦黨諸親。皆如賓客相見之禮。婦家設

酒饌禮婿。各隨貧富之儀。

饗送者

其禮如品官饗送者之儀。

親迎

禮物

婿位

婿揖位

物

門

婿揖位

婿揖位

集禮卷二十八 三十八

媒位

媒位

婿

庭

陳雁

主昏位

主昏位

見舅姑

奉養

婦拜位

奉養

集禮卷三十八三九

舅位

婿位

神

見祖禰

諸親拜位

婿

妻位

婦拜位



諸親拜位

婦

妻位

集禮卷三十八 四十一

孫位



姑位

大明集禮卷二十八

卷二十八

香案

禮位

大明集禮卷二十九

嘉禮十三

鄉飲酒禮

總叙

鄉飲酒之禮。夏殷之世無所考。周制五禮之目。是為嘉禮之一。凡禮之所紀。冠婚喪祭皆自士以上乃得行之。而鄉飲酒之禮達于庶民。因其聚會之際。與之揖讓升降。使知尚賢尊長而興敬讓之道焉。考之經傳。其說有三。鄉大夫三年

大明集禮 卷二十九

大明集禮卷二十八

神位

香案

神位

大明集禮卷二十九

嘉禮十三

鄉飲酒禮

總叙

鄉飲酒之禮。夏殷之世無所考。周制五禮之目。是為嘉禮之一。凡禮之所紀。冠婚喪祭皆自士以上乃得行之。而鄉飲酒之禮達于庶民。因其聚會之際。與之揖讓升降。使知尚賢尊長而興敬讓之道焉。考之經傳。其說有三。鄉大夫三年

大明集禮 卷二十九
大比。獻賢者能者於其君。以禮禮賓之。而與之飲酒。一也。黨正國索鬼神而祭祀。則以禮屬民飲酒。而正齒位。二也。州長春秋習射于序。先行鄉飲酒禮。三也。夫用之州黨。而亦謂之鄉者。先儒以為州黨鄉之屬也。或鄉大夫入而觀禮。或鄉大夫居此黨內。故亦以名之也。其正齒位之說。見於周官者。一命齒於鄉里。再命齒于父族。三命而不齒。見於禮記者。六十者坐。五十者立侍。六十者三豆。七十者四豆。八十者五豆。九十

者六豆。而儀禮鄉飲酒之篇。不著其文。故先儒以為今之存者。乃鄉大夫之事。而黨正之禮亡矣。**漢**制。郡國十月行鄉飲酒禮。盖用正齒位之說。**魏****晉**以下。間或行之。其詳不可得而聞。**李唐**兼采二說。賓與賢能。則以刺史或上佐為主。其制皆倣於古。而小損之。有主賓介。而無僕。其樂則歌笙間合。各一作而不備。正齒位。則行於冬季。主用縣令。復降殺其禮。無謀賓戒賓。不設折俎。易脯醢為菹醢。其作樂如上。**趙宋**淳化三年。

詔有司講其禮。命學士蘇易簡倣古樂章作鹿鳴。南陔嘉魚。崇丘閔睢。鵲巢之詩。凡三十四章。後不果行。政和中。有司奏參酌古制。於州軍貢士之月。以禮飲酒。用知州軍事。或本州佐官為主。提舉學事司所在。則提舉為主。上舍生當貢者。與州之羣老為衆賓。其登降之節。與舉酒作樂器用之類。並參照辟雍宴貢士之儀。紹興十三年。禮部奏脩定儀制。頒下郡國。於科舉之歲。行於學校。是日賓主先舍菜于先聖先師。然後行禮。並不作樂。蓋本用賓賢之說而已。仕未仕者。以齒序。位于兩廊。則亦無取黨正之文。至其登降之容。獻酬之節。較之於唐尤簡略焉。十七年。左迪功郎陳介言乞定郡國所行鄉飲歲數。乃命諸州三歲科舉之年行之。其額每歲一行者。亦從其便。二十六年。又命頒行於里社者。聽官不得預。其可考者如此。

國朝受

命。戡定海內。即

詔有司稽古考文。定為一代之制。於是取儀禮及唐宋所行。參酌損益。為鄉飲酒禮。又采周官屬民讀法之旨。於行禮之中。一人升讀律令。縣邑則歲一行之於學校。里社則季一行之里中。蓋本於正齒位之說。而賓與賢能。春秋習射亦可通用焉。

賓主介僕

儀禮主就先生而謀賓介。注曰。主謂諸侯之鄉大夫也。先生鄉中之致仕者。介處士之賢者。諸

公大夫入而觀禮者為僕。

諸公者。大國有孤。四命謂之公。

唐禮鄉飲酒之禮。刺史為主。先召鄉之致仕而有德者謀之。賢者為賓。其次為介。又其次為衆賓。與之行禮而賓興之。正齒位。每年季冬行事。縣令為主。鄉之老人六十以上有德行者一人為賓。次一人為介。又其次為三賓。又其次為衆賓。

宋禮。主州以郡守。縣以縣令。賓擇鄉里寄居年德高及致仕者為之。僕州以通判。縣以丞。或簿

為之介。以次長為之。三賓。以賓之次者為之。司正。以衆所推服者為之。相及贊。以士之熟於禮者為之。

今擬見儀注。

戒賓介

儀禮。主戒賓。賓拜辱。主答拜。乃請賓。賓禮辭。許主再拜。賓答拜。主退。賓拜辱。戒介亦如之。

唐禮同儀禮。

宋禮省。

今擬省。

設席位次

儀禮。乃席賓主介。衆賓之席皆不屬焉。注曰。賓席。牖前南面。主席。阼階上西面。介席。西階上東面。席衆賓於賓席之西。不屬者。不相續也。皆獨坐。明其德各特也。又曰。立者東面北上。若有北面者。則東上。主之贊者西面北上。

唐禮。其日質明。設賓席於楹間。近北南向。設主席於阼階上。西向。設介席於西階上。東向。設衆賓席三於賓席之西。各南向。皆不屬。又設堂下

衆賓席於西階西南肆北上。設贊者位於東階東。西向北上。正齒位同。

宋禮。主位於東南。賓位於西北。僕位於東北。介位於西南。三賓位於賓主介僕之後。設郡寮之位。東西相向。其餘仕與未仕者皆以齒序位於兩廊。又設席於堂下。凡鄉之仕與未仕者以齒序位。又設主賓介僕三賓之次於庠序之廊。今擬見後儀注。

陳器

儀禮尊兩壺于房戶間。斯禁。有玄酒在西。設篚

于禁南。東肆。加二勺于兩壺。禁。承尊之器也。名

斯禁。禁切地無足者。玄酒。新水也。篚。承爵解之篚也。設洗于阼階東南。南

北以堂深。謂如堂深二丈。則東西當東榮。榮。屋

水在洗西南肆。

唐禮。設兩壺於賓席之東。少北。玄酒在西。加勺

罍。置篚於壺南。東肆。實以爵解。正齒位同。

宋禮。先一日。設尊罍爵洗。各如奠謁先聖之儀。

今擬見後儀注。

舍菜

儀禮唐無之。

宋禮。其日質明。主率賓介以下先舍菜于先聖先師。

今擬賓興賢能飲酒。則先一日行舍菜禮。正齒位不用。

立班

儀禮無文。

唐禮。賓介及眾賓至。立於廳事大門之外。東面

北上。執事者皆就位。

宋禮。賓主以下各就次。候鳴鼓。相者引賓介以下序立於庠門之外。北面東上。

今擬參酌別定立班之儀。

迎賓

儀禮。主一相迎于門外。再拜賓。賓答拜。拜介。介答拜。揖眾賓。主人揖。先入。賓厭介。入門左。介厭眾賓。皆入門左。北上。厭。一涉切。推手曰厭。引手曰厭。

唐禮。主迎賓於門外之左。西面拜賓。賓答拜。又

西南面拜介。介荅拜。又西南面揖衆賓。衆賓報揖。主又揖賓。賓報揖。主乃先入門而右。西面。賓入門而左。東面。介及衆賓序入。立於賓西南。衆賓非三賓者。皆北面東上。凡賓主揖拜。周旋皆有贊相。正齒位云。衆賓立於三賓之後。餘同。

宋禮相者引主出。僕從。至於庠門外。速賓及介。主立于門左。西向。賓介進立于門右。東向。贊者進立於中。唱曰。主拜。賓介以下皆荅拜。主揖賓介以下皆報揖。主先入門右。僕從。賓揖介亦入。

門左。介揖衆賓。皆入門左。贊先之。相次之。今擬見儀注。

序賓

儀禮。主與賓三揖。將曲揖。當階。揖。當碑。揖。至于階。三讓。主

升。賓升。主阼階上。當楣北面再拜。賓西階上。當楣北面荅拜。

唐禮。主將進揖。當階揖。賓皆報揖。至階。主曰。請吾子升。賓曰。某敢辭。主曰。固請吾子升。賓曰。某敢固辭。主曰。終請吾子升。賓曰。某敢終辭。主升。

大明集禮 卷二十九
自阼階。賓升自西階。當楣北面立。

宋禮。主與賓三揖。皆贊者唱之。至堂下。升階。三

讓。主先升阼階。僕從。立楣下。賓趨升西階。介從。

三賓亦升自西階。並立楣下。各南向。司正亦升

西階。立于西階之上。東向。教授升自東廡。立于東階。西向。郡僚分立。

兩廡。衆賓東西相向。立于堂下。贊者唱曰。賓主以

下皆再拜。

今擬見儀注。

獻賓

儀禮。主坐取爵于篚。降盥洗。已盥。然後洗爵。升。實爵。賓

之席前西面獻賓。賓西階上拜。主少退。賓受爵

以復位。主阼階上拜。送爵。賓少退。薦脯醢。賓升

席自西方。乃設折俎。主於阼階上立。賓坐。左執

爵。祭脯醢。奠爵于薦西。興。右手取肺。卻左手執

本。坐。弗繚。右絕末以祭。尚左手齊之。興。加于俎。

坐。悅手。遂祭酒。興。席末坐。啐酒。降席。坐奠爵。拜。

告旨。執爵興。主阼階上答拜。賓西階上北面坐。

卒爵興。

唐禮無盥洗餘同。

宋禮主詣壘洗所洗觶至酒尊所酌酒實觶授

執事者至賓席前西北向立執事者分立直觶者立

醢主人之左直脯醢者立主之右次引賓自西階趨就席主跪左

執觶飲賓賓拜跪受爵飲爵主荅拜執事者薦

脯醢賓受訖主退就席立僕亦就席立

今擬見後儀注。

賓酢主

儀禮賓降洗實爵酢主皆如主獻賓之儀主卒

爵坐奠爵於序端序端東序之端也東西墻謂之序

唐禮同。

宋禮無。

今擬見儀注。

主酬賓

儀禮主實觶阼階上北面坐祭遂飲卒觶興降

洗實觶賓之席前北面賓西階上拜主少退卒

拜進坐奠觶于薦西賓坐取觶北面坐奠觶于

薦東酬酒不舉主揖降賓降立于階西主人將與介為禮賓謙不

大明集禮 卷二十九
敢居堂上。

唐禮同。

宋禮無。

今擬省。

主獻介

儀禮。主以介揖讓升拜。如賓禮。主乃坐取爵于東序端。降洗。實爵。介之席前西南面獻介。介西階上北面拜。主少退。介進北面受爵。復位。主介右北面拜送爵。介少退。主立於西階東。薦脯醢。

介升席。自北方設折俎。祭如賓禮。不齊肺。不啐酒。不告旨。自南方降席。坐。卒爵。興。

唐禮。不降洗。餘同。正齒位。無折俎。餘同。

宋禮無之。

今擬見後儀注。

獻三賓

儀禮。主西南面三拜衆賓。衆賓皆荅一拜。主揖升。坐取爵于西楹下。降洗。升實爵于西階上。獻衆賓。衆賓之長升拜受者三人。主拜送。坐祭。立。

大明集禮 卷二十九 十一
飲以爵授主。降復位。每一人獻。則薦諸其席。

唐禮同。

宋禮無之。

今擬見儀注。

獻衆賓

儀禮衆賓獻。則不拜受爵。坐祭立飲。衆賓徧有脯醢。主以爵降奠于篚。

唐禮。主實爵進於西階上。南面獻堂下衆賓。餘同。

宋禮無之。

今擬見儀注。

升位

儀禮揖讓升。賓獻介升。介獻衆賓升。衆賓序升。即席。

唐禮同。

宋禮無。

今擬自席末升位見儀注。

僕入

儀禮。賓若有僕者。諸公大夫則既一人舉觶。乃入。主降階。賓介及衆賓皆降。主迎于門內。揖讓升。公升如賓禮。大夫則如介禮。席于賓東。主獻薦脯醢。設折俎皆如賓禮。

唐禮無之。

宋禮有僕。而與儀禮不同。

今擬特存此條。以待致仕而有德行者。

樂賓

儀禮。工諶鹿鳴。四牡皇皇者華。卒歌笙入堂下。

磬南北面立。樂南陔。白華。華黍。乃間諶。魚麗。笙由庚。歌南有嘉魚。笙崇丘。歌南山有臺。笙由儀。乃合樂周南。關雎。葛覃。卷耳。召南。鵲巢。采芣采蘋。

唐禮。工歌鹿鳴。卒歌笙入立於堂下。北面。奏南陔。訖。乃間歌南有嘉魚。笙崇丘。乃合樂周南。關雎。召南。鵲巢。樂無工人。則闕。毋得奏不雅之曲。

宋禮無之。

今擬省。

司正揚觶

儀禮。主降階。作相為司正。主升復席。司正洗觶。升自西階。實觶。降自西階。階間北面。坐奠觶。退共少立。坐取觶不祭。遂飲。執觶與盥。洗北面。坐奠觶于其所。退立于觶南。

唐禮同。

宋禮。贊者唱曰。賓主以下皆執笏。次引司正出位。贊者曰。請司正揚觶。次引司正取觶。詣洗所。洗畢。至席前。跪而揚觶。訖。贊者曰。請司正致詞。

司正乃言曰。古者於旅也。語於是道。古云云。訖。司正復位。賓主以下復位。今擬見儀注。

旅酬

儀禮。賓坐取俎。西之觶。先一人舉觶奠于俎西。阼階上北

面酬主。主降席。立于賓東。賓坐奠觶。遂拜。執觶興。主荅拜。不祭。立飲。不洗。實觶授主。主西階上酬介。如賓酬主之禮。介酬衆賓。拜興飲。皆如上儀。卒受者。以觶降。坐奠于篚。

唐禮同。

宋禮。主獻賓之後。即賓酬主。主酬介。介酬眾賓。今擬特省此條。以從簡便。

讀律

儀禮唐宋皆無之。

今擬新增。

無筭爵

儀禮。眾賓皆降。說屨揖讓如初升。坐乃羞。注曰狗也。也。無筭爵。無筭樂。

唐禮同。正齒位無羞。

宋禮。賓主以下皆坐。酒二行訖。

今擬見儀注。

賓出

儀禮。賓出奏陔。注云。陔。主送于門外。再拜。

唐禮同。

宋禮。相者引主先興。復至阼階。楮下立。僕從。賓

介復至西階。楮下立。三賓亦復至西階。並南向。

教授復立東階。西向。郡寮復立兩廡。眾賓堂下東西相

向主再拜。賓介以下皆再拜訖。賓介與眾賓先自西趨出。主少立。自東出。賓立庠門外之右。東向北上。主立於門外之左。西向。僕從皆再拜。遂巡而退。

今擬見儀注。

縣邑飲酒讀律儀注。

立賓主介僕

每冬季行事。縣令為主。以鄉之老人年六十以上有德行者一人為賓。其次一人為介。又其次

為三賓。又其次為眾賓。鄉人嘗為大夫士而致

仕者或寄居之士大夫年德可尊禮者一人為

僕。如無則以縣丞主簿為之。無則開。以眾所推服者一人為司

正。贊禮一人。及贊引者皆擇士之容貌詳緩習

禮儀者為之。有賓主各贊引。讀律一人。使能者。

陳席設位次。席謂坐席位。謂立位。次謂更衣服之所。

設賓席于堂北兩楹之間。少西南面。冠禮醮于客位。今世

亦指此處。主席于阼階上。西面。在東楹之介席

于西階上。東面。在西楹之僕席于賓東。南面。兩謂

楹之間少東。世俗謂此處為主位。三賓席于賓西南面。與一賓共。

皆專席。不屬眾賓。六十以上者席于西序。東面

北上。謂之東序。西墻。若賓多則又設席于西階上。北

面東上。僚佐席于東序。西面北上。僚佐謂縣丞

僕則主簿。典史居此。

設眾賓五十以下者位于堂下西階之西。當序。

東面北上。若賓多則又設位于西階之南。北面

東上。凡立位皆設席而不坐。至無筭爵乃坐。司正及讀律者位于

堂下阼階之南。北面西上。按儀禮司正位于兩階之間。北面而脯醢。

薦于其位。今薦脯醢皆設卓案。與古異。故改位于此。

設主之贊者位于阼階之東。西面北上。禮主之贊者西

面北上。無筭爵。然後與。注曰。贊者謂主之屬。佐主徹。霏沃盥。設薦俎者。

設主及僚佐以下次于東廊。賓介及眾賓次于

庠門之外。僕次亦在門外。

陳器

設酒尊于堂上東南隅。加勺。幕用葛巾。爵洗于

阼階下東南。篚一于洗西。實以爵觶。盥洗在爵

洗東。設卓案于堂上下席位前。按儀禮徧有脯醢。皆薦于其位。

則立者亦當有之。但古者席地而坐。故薦于地上。今難從。陳豆于其上。六十

者三豆。七十者四豆。八十者五豆。九十者六豆。

堂下者二豆。主人豆如賓之數。若九十者為賓。六豆。則主人亦

六豆。其餘皆倣此。皆實以菹醢。賓與賢能。則用脯醢。設奠爵卓案

于東序端及西楹南各一

舍菜

若賓興賢能。則前一日舍菜于先聖先師如常

儀。正齒位則省。

立班

其日質明。主及賓介以下各就次。執事者省視

器饌畢。詣主次前告具。乃命鼓人鳴鼓。贊引導

主及僚佐以下出次。主及僚佐朝服。餘深衣。主立于阼階

下。西面。僚佐序立于主之後。皆西面北上。司正

及讀律者北面西上。贊禮進立于東階之西。近

堂廉。賓之贊引導賓以下盛服出。次序立于庠

門外之右。介居賓南。三賓居介南。眾賓居三賓

之後。皆東面北上。僕仍居次不出。

迎賓

大明集禮 卷二十九
班定。贊引唱主迎賓。贊引進主之左。曰。請迎賓。乃導主出庠門外。西面立。僚佐不出。贊引唱揖。主揖。賓以下皆揖。贊引唱肅賓。主揖。賓報揖。贊引導主先入門左。西面立。賓之贊引唱揖。賓揖。介揖。衆賓序行入門右。皆東面立。如門外之序。

序賓

主揖。賓遂行。當階再揖。將及階。又揖。賓皆報揖。皆贊引唱之。至階。主降階下。西面。即初位。賓西階下。東面。介居賓南。三賓居介南。衆賓居三賓

南。俱東面北上。

獻賓

贊禮唱主以賓升。贊引進主之左。曰。請延賓。主與賓三讓。主先升。降階。賓升西階。俱當楣下。北面立。贊禮唱獻賓。贊引進於主之右。曰。請酌酒。導主降自阼階。詣盥洗位。次詣爵洗位。洗爵。拭爵。以爵授執事者。升詣尊所。執事者舉。幕。主執爵酌酒。以爵授執事者。並如釋奠儀。至賓席前。執爵者以爵授主。主西北面獻賓。贊引導賓自西階

趨就席末。東南面受爵。主揖送爵。賓報揖。卒爵。以爵授執事者。謂賓之執事者。蓋將酢於主也。主退。立于阼階上北面。賓退。立于西階上北面。如初升。

賓酢主

贊禮唱。賓酢主。贊引進賓之左。曰。請酌酒。導賓降。自西階。執爵者從。詣盥洗位。爵洗位。升自西階。詣尊所酌酒。並如前儀。至主席前。執爵者以爵授賓。賓東南面酢。主贊引導。主趨就席末。西北面受爵。賓揖送爵。主報揖。卒爵。賓退。立于席

末。

賓之席也。酢事畢。退立于席末。主將與介為禮也。

主乃以爵奠于東

序端卓上。復阼階上。北面立。

主退。復阼階而不就席末者。將有事也。

獻介

贊禮唱。主延介。贊引進。曰。請延介。導主降。自阼階。西南面揖介。至階。一讓。主遂升。介升西階。並當楣下。北面立。贊禮唱。主獻介。贊引進。曰。請酌酒。導主詣東序端。取所奠爵。授執事者。詣尊所酌酒。以爵授執事者。如前。至介席前。執爵者以

爵授主。主西南面獻介。贊引導介自西階上趨就席末。北面受爵。主乃揖送爵。介報揖。卒爵。以爵授主。退立于席末。介之席也主以爵奠于西楹南。退阼階上。北面如初。將與三賓為禮也

獻三賓

贊禮唱。主獻三賓。贊引導主降阼階西南面。三揖衆賓。衆賓皆報一揖。主升取西楹南所奠爵酌酒如前。進西階上。南面獻衆賓之長。贊引導衆賓之長一人升西階上。北面受爵。主揖送爵。

賓長報揖。卒爵。以爵授主。賓長就席立于席末。三賓之席也次導賓長之次者一人升。受爵如前。又次一人亦如之。主乃以爵授執事者。少退西面立。

獻衆賓

贊禮唱。獻衆賓。執事者酌酒授主。主復進西階上。南面獻衆賓。衆賓六十以上者。每一人升西階上受爵。卒爵。退就西序之席。立于席末。升者畢。主以爵授執事者。下奠于篚。堂下者不獻。主

退就席末立。

升位

贊禮唱衆賓皆升位。主乃自席末先升席。賓介以下皆自席末升席。堂下者皆就位。引僚佐升自東廡就席。堂上者坐。堂下者立。

僕入

無僕則去此條升位後僕始入者儀禮注云不干主賓正禮也。

贊禮唱僕入。贊引導僕出次。僕朝服深衣亦從僕入門左。主降自阼階迎于門內。賓介降立西階。主與僕揖讓升。主升阼階。僕升西階。當楣北面立。

賓介皆升立階東面上。

贊禮唱主獻僕。贊引進曰。請酌

酒。導主降洗爵。詣尊所酌酒。如賓儀。至僕席前。東北面獻僕。贊引導僕自西階上趨就席末。東西南面受爵。主揖送爵。僕報揖。卒爵。以爵授主。主以授執事者。下奠于篚。主及賓介各升席。

揚觶

贊禮唱司正揚觶。贊引導司正出位。詣盥洗位。盥手。悅手。次詣爵洗位。取觶于篚。洗觶。拭觶。升自西階。詣尊所酌酒。進兩楹之間。北面立。贊者

大明集禮 卷二十九
唱在坐者皆起。賓主以下皆起。拱立。司正乃舉觶而言曰。恭惟

朝廷率由舊章。敷崇禮教。舉行鄉飲。非為飲食。凡我長幼。各相勸勗。為臣竭忠。為子竭孝。內穆於閨門。外順于鄉黨。無或廢墜。以忝所生。言畢。揖。賓主以下皆揖。司正遂飲。卒爵。復揖。以爵授執事者。降自西階。復位。賓主以下復坐。

讀律

若賓興賢能。不用此。

贊禮唱讀律。執事者設律案于堂上兩楹之間。

次引讀律者出位。詣盥洗所。盥手。悅手。訖。乃升自西階。執律者以律從。至案前。北面立。執律者以律置案上。立于案傍。西面。在坐者皆起。讀律者揖。賓主以下皆揖。復坐。乃展律。詳緩讀之。畢。在坐者又起。讀律者揖。賓主以下皆揖。讀律者降自西階。復位。執律者以律從。如初。

無筭爵

贊禮唱爵。行無筭。於是堂下者皆坐。執事者行酒。酒三行。或五行。食三品。或五品。徧及主之贊。

者皆與。

賓出

贊禮唱禮畢。主興。降自阼階。賓以下降自西階。僚佐降自東廡。堂下衆賓以序俱出。至門外。主門左西面。僚佐以下列主之後。賓門右東面。介居賓南。三賓居介南。衆賓居後。贊引唱揖。賓主以下皆揖退。

里社飲酒讀律儀

立賓位

里長為主。以鄉之老人六十以上有德習禮者一人為賓。次一人為介。又次為衆賓。讀律一人。使能者。

陳設

設賓席於堂之西北。南面。設主席於東南。西面。介席於堂之西南。東面。衆賓六十以上者席於兩序。東西相向。五十以下者席於堂下。亦東西相向。五十以下者席於堂下。亦東西相向。各設卓案于席前。豆用菹醢。設讀律席于東楹下。西

面。如教官講書之位。

序賓

其日質明。賓介及眾賓皆至門外。主出迎。東向揖賓。賓以下西向報揖。主先入門而右。賓入門而左。介與眾至階。主升西階上。東面。賓介於東階上。西面。眾賓六十以上者。皆自東階升。分為兩班。東西相向。北上。居西者立。主之後。居東者立。賓介之後。五十以下者。立堂下。亦分兩班。東西相向。北上。主與賓皆揖。各就席坐。執事者行酒。酒一行止。

讀律

執事者設卓案于東楹。讀律席前。次引讀律者正衣冠。升席。展律于案。詳緩讀之。畢。起立拱手。坐者皆起立拱手。讀律者揚言曰。恭惟

國家憲章。先王明刑弼教。期協于中。爰用古禮。屬民讀律。凡我長幼。尚敬共夙夜。毋干彝憲。以忝祖父。言訖。斂律降席復位。位在堂下。眾賓之列。賓主復坐。酒三行止。

賓出

主先興。賓介以下皆興。序立如初升。堂下者亦如之。賓主皆揖。主送于門外。揖退。

設席陳器圖

集禮卷二十九 二十六

衆賓
衆賓
衆賓
衆賓
衆賓

相
相
相
相

賓

賓

介

執

僚僚
僚僚
僚僚

真爵
卓
東

序

卓
解
真

衆賓五
衆賓十
衆賓下
衆賓者
衆賓此

衆賓
衆賓
衆賓
若多則
設此位
於北面
東上

尊酒

贊者
贊者
贊者
贊者

正司
讀律

盥洗
盥洗
盥洗

門

門

立班圖

集禮卷十九 二十七

序

序

尊司

贊禮

主者

迎賓圖

賓介三賓衆賓

每

贊引

賓

朝

主

贊引

每

司正不律出

素

僚佐不出

集禮卷千九二十八

衆賓賓
衆賓介

贊引

三賓

正

正

司正
贊引

贊引
贊引

僚佐
僚佐
贊引
贊引

節

衆賓揖

介揖

衆賓揖
三賓揖

解

節

贊引

賓揖

衆賓揖

介揖

衆賓揖

三賓揖

贊引

主獻賓酢圖

集禮卷二十九

賓

醢

主獻
賓酢
贊引

主獻
賓酢
贊引

主獻
賓酢
贊引

醢

賓

主獻
賓酢
贊引

主獻
賓酢
贊引

醢

賓

賓北面
退立

主者北面
退立同

賓

揖

賓三辭次升

介

三賓

衆賓

主者三讓先升

主人獻介圖


集禮卷三十九 三十

立于席末

賓



介



浪立席末

主人用過爵不
與賓辭

以

揖

獻介

主人

主人
賓

主人

主人

主人



一辭升

介揖



一讓先升

主人

主人獻眾賓圖

長賓 長賓 長賓

眾賓

賓
獻
眾
賓

賓之長三人以次
獻眾賓六十
者序升受獻亦
獻事各退立於末席
水

子羅下
者象羅

象通



賓長

賓長

賓長

衆賓

衆皆各揖

象通

主人迎僕獻僕圖

集禮卷三十九 三十一

象通

象通

象通

象通

衆賓

僚佐

介

考主

賓升立
介升立

僕升如賓禮

僕

賓降立

介降立

無

僕升

身王

僕入門內

謝身王

門

司正揚解圖

集禮卷二十九 三十三

賓長
賓長
賓長

賓

僕

僚佐

衆賓

介

者王

司正揚解圖

可正
西階
降回



尊酒



可正

西階

盥洗
盥洗

盥洗

讀律圖

賓長
賓長
賓長

賓

僕

佐

衆賓

介


牲

集禮卷二十九 三十四

者


大明集禮卷二十九

讀律者升降



讀律者
執

讀律者出位



讀

